

濟南府志

濟南府志序

麟經紀事兼及方輿馬氏著書專言郡國領提
對於千里政治攸關問因革於一方古今通變是以
自黎永韶郡卽考圖經晦翁至永康先詢志乘憶昔
丁酉秋 恩奉

命出守泰安莅省時濟南正修郡志方且徵耆舊

諸生停問字車開校書館訪周秦之陳迹搜金石之
編祇以假道之官未獲濡毫贊牘越二載己亥夏
徵攝濟南事退食之暇間亦問俗採風徵文考獻

濟南府志

崇序一

未觀神龍全體已略窺文豹一斑迨庚子秋量移
是郡適郡志輯成 中峰觀察命爲之序忝爲郡吏
兩敢固辭粵稽濟南者據泰山之北在濟水以南分
野兼昂角虛危疆域介青幽充冀下領一十六屬中
有七十二泉溯從歷下移來此亭最古但向軒中數
坐名士原多無如北渚風流與春波而共逝西湖煙
景賸秋柳之徒存此郡志之修不可不亟亟也然非
三長學富八斗才高參酌舊聞熟精志例烏能條分
縷析綱舉目張採新說以成編補前志所未備如是

新修濟南府志序

周官小史掌邦國之志外史掌四方之志若今一統志各省郡州縣志是已志起於州縣萃於省登於國史而實筦其樞於郡郡之有志蓋擷州縣志之菁華爲省志根柢而一統志亦藉是蒐輯焉以資考鏡於來治者也濟南爲海岱一大都會人物輻輳幅輳孔長漢初建濟南國元置濟南路明始易路爲府領州四縣二十有六我

朝因之洎雍正二年以泰安武定濱三州爲直隸州十

濟南府志

盧序一

一

二三年復以泰武二州拓爲府於是濱州暨陽信海豐樂陵利津霑化蒲臺青城商河新泰萊蕪肥城十一縣皆不屬濟南視康熙三十一年所纂府志封畛土略沿革殊制今又閱百數十年矣徵文考獻不能無異於古人所傳前太守廬陵王公始議易舊志而考之更定條目詳加釐訂未幾擢任去去數載而太守大興王公廼蒞厥事蓋其慎也今年春以副本郵

余此歲養疴不獲從諸君子後共操鉛槧預嘗

其成雖難期於購而有法信而可徵

新修濟南府志序

志不同於史而作志猶作史也史必兼才學識三者始可以信於今傳於後唯志亦然蒐輯放鑒攷證異同上自星野下及物產靡不臚列而貫串之而人事之大綱小紀嘉言懿行苟逮匹夫匹婦有可以入獨行之傳備彤管之書者皆與焉才弱則敷陳瑣屑學淺則稱引寡陋識闇則抉擇粗疎敵史之權佐史之實何異乎爾惟稱歟不稱惡乃其體例如此此其所以異於史也濟南爲山左首郡自改武定泰安二州爲府割屬境分隸之以迨於今府志失修百有餘年矣方今

濟南府志

托序二

聖人在上典章文物超軼前代觀一統志已足顯咸五登三之烈何東國大郡闕焉獨未更輯且郡邑志文獻之徵官司之掌也無志猶無官無官而事莫理無志而人無所考信以聞於世脫郡之人赴佗省叩以分地之後疆域變遷政俗沿革而莫能舉似謂無與載籍記誦之故守土者詎不引爲深媿耶大興王中峯觀察前與郡時因初稿從而校訂別白每日治官書

外輒致勞究舟車亦攜以自隨覃精數年甫克歲稅
余合舊志讀之見其芟蕪翦碎綱舉目張紀載不厭
其詳事類務覈其實蓋恢恢乎具史家之三長闡通
儒之論斷洵鉅製也而余深有感者士人欲成一蓀
之名往往探討數十年而罔獲豈智慧之弗若思慮
紛神明瘁也君以縣令起家居東最久視東之政如
理身事視東之民如家人父子未嘗有一急言遽色
加其下而所至皆除苛解嬈不勞而理故得以公餘
成書賢者誠不可測君其班馬而龔黃者歟抑聞有

濟南府志

托序二

二

金石四卷未及纂入此亦文字之淵藪訓詁之別裁
也倘竝輯綴以示嗜古績學者不愈於東躡之采西
淩日觀搜剔巖谷侈言秦漢哉余又將拭目俟之也
已

道光庚子仲秋撫東使者長白托渾布序

條例依次排纂而霞九太守以癸己季夏陞雲南鹽法道去王翰屏太守復任三月而逝邵栗園司馬攝篆未及四月甲午春正鎮自泰安調任仍循舊章至乙未冬志稿初就尙未修飾完竣而觴園兄弟以家事辭歸適舊友前曲阜令集軒馮君雲鵬在省因畱局覆校又有灤源書院監院博興教諭東萊少白李君同大興廩生芸葯冷君烜門下士大興選貢秋槎馮君沆同在局中分手校定至戊戌歲杪成書其學校祠祀折衷於

大清會典田賦考證於賦役全書宦蹟不錄虛譽人物不分品類經籍搜其遺逸藝文揭其菁華則又鎮親加釐訂不恤人言者也總而計之爲目三十有二爲卷七十有二而一郡之中分野圻封山川古蹟大而禮樂兵農之制小而風俗物產之微無不撮其綱領補其缺略此外又有金石四卷因集隘不能備載已成而復刪之擬另刻單行以補郡志所不及是役也計前三任創修者一年有餘鎮在首郡任內接修者三年陞任後仍一手經理自甲午正月至戊戌臘月

卷目核定及隨刻隨校尙有續加補綴之處迨庚子三月前後七年志局九遷而後竣事續修之時月數倍於創始而疆域之因革水道之變遷暨各目中草創規模考古證今具有精心卓識則芻蕘之初稿屹不可動剗剔已就質之

撫軍托愛山先生暨方伯楊雪椒署廉訪文蔚堦濟東觀察寶小村署督糧道侯理庭署首府崇雨舲諸君僉以爲可備濟南掌故或病其卷頁之太繁則俟大雅之刪定可矣板存府庫刷行十六屬俾各牧令

濟南府志

王序四

四

有所稽考而敘其源委如此抑鎮更有望焉查本屬

十六州縣之志半多年久未修茲修輯府志除考證史志各書外多取材於州縣之採訪凡碑文墓誌家乘鄉評散見於深山僻壤及紳耆野老之口者無不摹榻抄錄博採旁諮以爲考訂各門典故事實之助數年以來隨查隨覆文卷殆如山積此雖搜羅於各州縣而非各州縣志之所能備載者故府志成而州縣修志之宏綱細目善制遺規無不備具於府志一書合之爲一郡之精華分之卽爲十六屬之典要今

查嘉慶道光年間修輯未久之章邱鄒平臨邑長清
長山禹城德平各縣志尙可徐議續修至康熙年間
修輯之新城齊東陵縣各志雍正年間修輯之齊河
縣志乾隆年間修輯之歷城淄川濟陽德州平原各
州縣志皆遠逾百年近亦五六十一年如以續修之府
志爲各州縣志之本源擷其華而挹其流州縣分取
之各足其分而不勞府志分給之各還其原而不費
豈不美哉竝望東省有志之各府州縣乘梨棗尙存
亟圖補葺毋任歲月因循致斷簡殘編無可收拾或

濟南府志

玉序五

五

竟如從前之濟南今日之霑化榮城便後之無志可
續者幸

勅修之可遵而悵創修之不易也是又

鎮

所殷殷致屬於

濟南賢太守之近飭所屬遠達各郡也夫

道光二十年歲次庚子孟夏

誥授中憲大夫分守山東登萊青整飭海防兼管水利兵

備道前知濟南府事大興王鎮謹序

新修濟南府志序

宋紇陽守永康百爲未肇首輯郡志志者備觀省辨得失經濟所由出非徒侈其文已也然其義至博夫星地理人才物力之分見於方州者括而載之非才無以敘述非學無以搜討非識無以釐正而又非明於政體者無以審知其益於治故往往遲之久以待其人濟南舊志之修迄今百餘年矣

聖朝累治重熙之化由畿而南涵濡日深陶埏有象登民數而識風土邦大夫事也若泰嶽

濟南府志

卷二

升中關里

釋奠

蹕路所經

宸章下賁垂光簡冊矣至於地連岱宗水滎河濟山川鬱紉轂齊關且因革損益以事以時泰安武定皆以州隸屬後列爲府今郡所領之州縣臨邑高唐舊皆僑立隋唐以來地移而留沿其名名易而留沿其地非若兵防戶版諸編之按籍易致誤乎江文通論者典章之所繫非老於掌故者不能爲也抑又

志與史義同而體異史紀一代以昭勸戒志紀一方以備采擇史法揚激並用褒貶特書志家善善從長是非自辨史部要義有文辭者曰志曰傳無文辭者曰圖曰表虛實相資詳略互見志以記事爲體周禮小史掌邦國之志外史掌四方之志土訓掌道地圖誦訓掌道方志後世地里志郡縣志人物志皆準乎此一統志依之今新志所載目十有六而皆以志稱遵一統志例也志地輿改名疆域以畫畛略志藝文擇其尤雅以慎權衡山水分其脈絡析其源流泰山

志水經注之翼疏也官師治績不及他端不爲虛譽史記循吏五人漢書循吏六人之遺意也學校一條不入建置與康對山志武功異而義各有當其他班分類附不緝不疎附以表圖參以攷辨馬班義例隱隱具在是書也肇修於前太守廬陵王公霞九甫成二卷以遷擢去邵王兩太守繼之時日無多未有增輯今郡伯大興王公慨然自任並延宿儒載筆共事徵文攷獻逖覽遐稽起例發凡排纂潤色勒成全秩夫方岳之職劇矣刑名庾詹提絜綱維日有不暇况

新修濟南府志

志之修也非達於政治而嫻文章者不能或能之又
視爲緩圖而不肯爲邊郡下邑每患文獻無徵其在
津要繁劇則又以簿書聽斷之煩事上接下之勤而
不暇及至迫於義感於時而爲之又往往以驟遷去
不得竟其事而承之者亦類以簡率苟且塞其責其
孰能殫歲月之久求載筆之賢稽往籍之疏遺闕時
制之精蘊酌古今釐規條以斬乎明備而不少畱餘
憾者此志之難成焉而底於精醇不爲時訾者之
尤難也濟南志創修於我

濟南府志

劉序一

一

朝康熙三十一年其時蓋轄四州二十六縣制度多因
明舊及雍正時以泰安武定濱三州十一縣爲武泰
二府各分爲志濟南之志宜更以十六屬爲制也明
矣而當其時無及此者乾隆嘉慶以來再修

大清會典通禮二書典章制度一更明舊至爲純備凡
天下郡志宜共釐訂而更張之也明矣而當其時無
及此者道光壬辰吾鄉王霞九前輩來守是郡始慨
然重修之甫二載輒遷滇南鹽道以去方以未觀厥

成爲憾而權篆斯郡者又以時暫不遑及甲午春新
守大興王中峯先生至乃續董其事越三載遷登萊
觀察又三年而後畢夫時經久曠之餘則始事難當
委蛇因循情勢屢遷之際則終事難今霞九觀察之
爲志也舉廢墮于百年弗繼之餘中峯觀察之繼修
也討論之勤經七年之久官再遷而不輟其度蓋舉
世之所難而兩先生毫無難焉無他明於爲政之本
而急所先務也故其書之成倍多於舊志凡一百七
十餘萬言皆有序本斯志以例其餘兩先生之所以

濟南府志

劉序二

二

惠茲東人者舉可爲良二千石法矣余初視學東省
聞都人士道兩觀察之賢及觀是書而有以窺其致
治之要故樂書顛末以應中峯觀察之屬并以爲輶
軒採風者光云

道光二十年歲次庚子秋八月

賜進士及第承德郎翰林院修撰 南書房行走 國史

館協修提督山東學政永豐劉繹謹序

濟南府志序

濟南爲郡據三齊之上游南薄泰岱北枕燕雲自晉
宋之代常爲刺史治所至元爲中書行省有明以來
自巡撫都御史以下旬宣之佐觀風之使莫不萃治
於此山川曠邈舟車四通地大而物博官殷而事繁
史籍所載名宦人物焜耀區宇其德業勲名文章著
述不可僂指數爲東道名邦久矣余自聞嶠計偕北
上迄於通籍遊歷四方過山川形勝輒詩以紀之先
後過是都者十有七未嘗不心向往焉道光戊戌奉

濟南府志

楊序

開藩山左之

命己亥蒞濟南竊以慰風懷也乃亟考列郡志乘而濟南
自康熙間修輯以來迄今一百四十餘載續纂弗聞
聚梨餘蹟漸漶漫不可識蓋雍正時更置州縣濟南
定以十六屬而泰安武定各分爲志無復專事於濟
南一志舉凡

所經

以漢夫賦役之減併祠廟之釐增禮樂之更
興民所奉行弗違者皆缺而弗詳矣

黃子之家欲詢所從來而莫由此余所爲三復而
遺編者也庚子冬王中峯觀察以前守濟南時所
屬志見示且屬爲敘余取而讀之蓋採新聞參互
附諸縣之志歷久而成之者凡七十有二卷又別
金石志四卷庶幾詳備不留餘憾焉夫在官不以
旣遷而輟其事者古循良遺風也凡蒞一方必究
以察民俗地宜而爲政者朱子治南康遺訓也
觀察之書其殆先獲我心乎因弁數言以報觀察

道光二十一年辛丑五月東藩使者福州楊慶琛序

重修濟南府志序

憶自嘉慶戊寅先恭慎公奉

命巡撫山左諸郡守例以方志進余時從師受讀署中竊嘗取濟南志而讀焉見其地輿部泰武兩郡皆以名州來屬與今異賦役部康熙時

恩詔停丁賦雍正間併地丁諸大興皆未有聞而學校部載教授孔貞瑄所刻大成樂律盡本故明鄭世子律呂書非今會典所載之樂譜也竊詫其不適於時用暇白先公先公曰郡志之不修百二十年矣以諸政

濟南府志

寶序一

孔棘未及飭守土重釐訂耳次年而先公薨迴遯遺訓嘗耿耿不能置越二十年至道光丙申春余奉分守濟東之

命來莅是邦權濟南府琦君念菴亦以舊志進而前太守觀察王君中峯適同日見因告余新志方修未竣也余聞之大喜以爲二十年前區區之懷竊有以少抒也無何而觀察實擢登萊兵備將行余亟以新志進觀察曰此事不願以假後來竊以志局自隨矣及廉訪來省猶弗輟也又三年庚子秋乃以新志見

且言修輯之勤閱八載而後竣屬余爲序余敬受而讀焉不覺憬然嘆也竊謂是書有三益二善而撫拾之富文藻之麗不與焉一曰稽古確不徇前人之失不執一己之見以人繫地以事繫人折衷正史無濫無遺是有益於學者一曰述政詳凡秩祀禮樂制度之數據今制闡古義物儀文詞罔弗備可遵而行之無俟執禮者之詔也田賦戶口鹽法倉儲祿秩之繁鉤稽清晰井然在目無異持籌者之侍前也是有益於從政一曰持論當風俗物產之別嚴而有斷無夸

聖製例不及郡縣而

巡幸所及則有之然通志曰

興謨而適情詠物之篇并列長清縣志紀

巡幸而備載

列祖大訓於一邑之微皆例有未安茲志先

御製次

宸翰是皆幸蹕所過出乎

聖裁以光照東邦者也次

綸音或以警臣工或以沛殊恩是皆頒自閣部而在省臣
工所凜承懸之堂楣弗敢忘是邦黔黎所親被澤者
也義類旣分故克盡尊颺之體無與於濟南者弗錄
故無侈張之弊也郡志秩官例惟載守令不得及監
司以上而首郡則有之以爲行省諸治之所在也然
舊志秩官稽古已疎而宦績所紀尤寥寥寡聞今因
治所以紀官因官跡以稽人推至總督都御史河道

濟南府志

寶序三

三

都御史之弗駐是而轄及濟南者皆充類以紀之而
備諸篇故有盡美之實無越類之譏是二者非復方
志之常例而實有確然之義以爲是誌例者可不謂
善歟觀察自爲郡守時與余善余叨切磋之誼久今
貽余以是編也微獨足備謏陋朝夕流覽之助且使
先公昔年之言至此而幸觀厥成迴思趨庭之對宛
然如昨而覽宦蹟之志則先公之澤被東邦邀

仁廟異數之知於易名之際者將與此志同不朽也而余
方以不能紹前訓爲媿且重忝